

成安縣志卷十三

著述

古代各家著述多載歷朝史書之藝文志惟隋書有經籍志通志有經籍記與藝文離而為二而自標一門且其列各家之書除撮其要義者畧叙外祇錄篇目名稱與著者述者之里居姓氏併無連篇累牘文字涉及集部文集之嫌雖其書有藏之私家傳之海外剝蝕錯亂散失無存而考其章節訪諸父老傳聞與現存者比擬其真純淵懿之氣固已洋溢乎六洲與天地山川相終始也吾成自禮記一書出於兩戴而前賢遺著史不絕書今雖無繼之者然本其衣鉢守為家訓吉光片羽鱗甲紛飛

成安縣志

卷十三

著述

一

天津文竹齋印

不可謂廣陵散絕響也志著述

大戴禮記

漢戴德著
舊縣志

小戴禮記

漢戴勝著
舊志

中山人物志

漢戴月撰
舊志

御書十卷

宋王廣淵編
宋史本傳參府志及縣舊志案舊志作御史十卷

易畫管窺

明陳廷謨撰
經義考參府志

度青吟覺非草

陳廷謨撰
舊志參府志案舊志又有義畫管窺巡方講義河東及按蜀疏草集略均

無卷數

尙書纂要

明史煒撰
全上

禮經纂要

明侯君擢撰
全上

大學明解一卷

明李果撰
全上案舊志作解明

四書音攷

李果撰
舊志參府志

小學摘義

李果撰
府志參舊縣志

校補衛生寶鑑

李果撰
分省人物考參府志

四科奏議

明張潤身撰
畿輔人物考參府志

遊山記一卷

明王家瑞撰
府志

廣平詩人集

王家瑞撰
府志參舊縣志書未見序在康熙志

自序云余嘗欲廣搜博採作唐代詩人通考蹉跎歲月尙未如志於是卽吾郡廣平唐詩之可稽者蓋九人焉彙其篇章僭爲傳讚輯錄以傳夫高衛尉倡三晏之集劉刺史預九老之會一

成安縣志

卷十三

著述

一一

天津文竹齋印

時盛事千載美談一二吟詠不可遺也司空文明張承吉張象文百家詩中俱有其集然佚亡過多散見疊出於是收總集之其未盡者尙有俟也張子初原集不存止得其一賦三詩最爲可惜劉棗強詩云舊業叢臺廢苑東蓋邯鄲人無疑漢末有劉子才或者卽其後乎而皮襲美爲作墓碑謂不知何許人似未詳考矣舊集十卷今亦不傳僅就所得彙若干首不啻十之一二也此亦就今之廣平九邑之屬而紀之若武城崔氏南和宋氏舊屬郡境而今皆別據亦姑置之不以附會從時制也又九集括以總目而各不相聯俟後有得當續編入夫廣平在燕南魏北正當趙都古今以來照耀宇內豈無道德勳庸足以名世

而區區取此詩學以爲重乎又漢晉以前宋元以後豈無制作文章足美傳而區區取此唐人以藉光乎蓋賢哲通載於史冊而詠歌莫盛於李唐職此故也大抵英物難以消沈精光不可磨滅誦篇什之朗然景豐標之曄如爰加集次用付梓人聊以志吾郡文獻之一端云爾

東西遊稿 明冀弘道撰 舊志

治河諸篇 明蔡可賢撰 府志參舊志案舊志謂所著有西征鼓吹及治河諸篇

夢寤集 明李齊芳撰 府志

花萼吟焚遺集 明蔡可教撰 府志參成安舊志按舊志弟可行彙梓兩兄及已詩曰花萼堂陰稿

草根吟 明喬宮撰 府志案成安舊志喬騰甫所著有草根吟從初記

成安縣志 卷十三 著述 三 天津文竹齋印

郢中草垂釣草天從草澤畔草 明吳維東撰 府志參舊志案舊志作天漢草

沁香館詩草四卷 黃金策撰 有鈔本又有詞草一卷府志

公餘漫興 明呂侯李三畏撰

雪巢吟 朱鳴撰 舊縣續志

侯蟲吟志忘隨筆拙存詩鈔 朱世瑞撰 全上

成安縣志十二卷 邑令孫培曾修

縣志自明萬曆二十七年廩延劉永脈修後十年學博雍邱

王孫昌增補清康熙十二年知縣王公楷重修嘉慶七年知

縣孫培曾續輯顏日曾自序及教諭宋鳳翼序

羣生寶鑑二十卷 趙錦著

衛生語三則

耿介之著

中華民國十五年出版

續編嗣出

案是書內分普通衛生婦女衛生育嬰衛生三篇其同學王懷沂先生讀之謂爲無義不精明白如話雅俗共賞之文有益衛生洵非淺鮮其門人逸體芳讀之謂爲理想深微以淺顯出之人人可解卽人人能行其世姪王翰文讀之謂詞同里諺衢歌義集內經外史自大雅君子以及鄉愚婦孺能隨時而力行之定當均有裨益云

別有勸戒叢談
文言彙集待梓

松筠書屋詩草

拔貢黃鶴舉繼配黃孺人撰
清光緒壬辰出版

堂兄吉言藹堂氏序曰成安黃羽卿同年予妹丈也堂妹幼勤針黹長好讀書經史皆能涉獵而尤長於吟詠居恒手不

成安縣志

卷十三

著述

四

天津文竹齋印

釋卷白于歸後更唱迭和詩境益進嗣失所大孤幼亦隨夭亡豈真詩窮而後工耶蓋其得乎性情之正者至矣故非有至性至情之人不能讀詩非有至性至情之人亦不能作詩今觀其所存諸作語語自肺腑中流出傷心動魄絕不蹈襲前人窠臼亦不屑近人塗抹使讀之者感慨流連愴然欲絕是直同三百篇之可以興可以怨也異日功與時進集久成編付諸剞劂豈不於閨秀集中獨樹一幟哉是爲序

胞兄李承綸序云詩者性情也故作詩以寫性真爲最閨秀中能詩者代不乏人余季妹幼聰敏好讀書嘗太息曰恨爲女子不得一吐胸中氣紡績之暇披閱史鑑尤好吟詠二十

四歲適成邑己酉科選拔黃羽卿前男紫峰幼卽工詩閒嘗
講論二十六歲生一子二十七歲羽卿作古生子遂亦夭折
妹性本烈幾死而復蘇紫峰多方防衛感其誠不復絕食仰
藥愛紫峰如己出及孫漸長卽課以句讀書法暇則吟詠凡
遇悲怒愁苦疾痛憂悶以及禽魚花木風雲變態有觸於心
率自吐胸臆不計工拙一寓意於詩閱之者竟不忍卒讀五
十三歲忽患臆症而逝所遺詩稿甚夥紫峰校正若干百將
付手民索序於余今讀其詩性情心術泣鬼神而昭日月嚴
氣凜凜終身節孝宛然如生也是爲序

惜陰齋七言詩草

侯恩遠撰
有鈔本藏於家

成安縣志

卷十三

著述

五

天津文竹齋印

樗蠶新編

邑侯高景祺撰

邑舉人內閣中書張永和序云自歐西原富之論譯入中華
一時之談新學者皆棄其舊時固有之利不思研究進步以
致三四十年間新者既隔於事勢而未收實益舊者亦荒蕪
敗廢枯竄而不可治就樗蠶一端可以知其概焉和生樗櫟
之鄉欲爲鄉里謀萬世之利亦甚夏夏乎難哉然考之毛詩
爾雅及秦漢間諸子百家言則樗蠶樗繭往往見諸記載固
逆料樗能養蠶爲吾國舊代之美利矣前清光緒丁酉夏秋
間和赴京師溯運河道過山東見岸旁村落中之造樗林者
放樗蠶者捻樗絲者織樗綢者及販運絲綢以營業者皆栩

栩栩然自適其利樂願謂左右曰有教養之責者苟倣其舊法改良而擴充之則利賴於國計民生必非淺鮮和助教鄴都於講習之暇又時與諸生談樗蠶之利諸生亦頗以爲意然究未見諸實行今年春和需次山西見樗橡滿山知其必適於蠶業故不揣冒昧上整頓農務三策於樗蠶一節尤競競致意然雖蒙大府允喻未及施行而晉兵起嗟乎大道之行也貨惡其棄地獨此樗蠶一事河南北山東西從橫數千里其林布野人第以卷曲不材棄之瓦礫蓬蒿間而不知一試其飼蠶之用卽有知而言之矣又非得強有力者爲之倡而其利不見得強有力者矣又從而倡之矣而不假之時或成安

擾以意外之變而其法又不得行卽行亦不能收其效豈天不欲福吾民乎何舉此天然最溥之利聽其委棄挫折廢壞而不一顧念也和甚惜之方欲卷懷歸里就原有樗林小試其孵育放養之法爲鄉鄰告適邑侯仰社高公試辦樗蚕已有成績並發明造林育蠶收繭繅絲各簡明器機繪圖具說以教邑人化千百年舊有之利益咸與維新又不憚心力編輯成書以垂久遠命和校訂兼索數言以弁其端和樂其利之普法之簡且便也故歷述十數年來所屬意於樗蠶者以爲之序

自序云余生平最慕善書謂能感發善心懲創逸志洵足扶翼經傳維持風化者也故嘗蒐輯群書間亦竊附己意繕寫成册置案頭蓋欲於弟子講讀之餘乘時談論冀獲收心寡過之一助而已余從堂叔德馨見此册曰爾集成册欲為刻施計乎余曰有志無力無如何也叔曰爾既有志吾當助汝於是共捐微貲付之梨棗隨力印送以公同好如學者於肄業之暇平心閱之則於遷善改過之功亦未必無小補云

解人頤觸日記月日評感激而鳴觀物書情詩集董嵐撰共四百餘首有鈔

本藏於家

桐雨軒文集霍汝堂撰

成安縣志

卷十三

著述

七

天津文竹齋印

桐蔭軒文集劉灝撰

中隱齋四則王夢熊撰

論語篇次序傳劉坤

紫來文集張維東著

課餘雜詠張維東著

書齋閒詠遂華著

訓蒙淺說一册于珍著

讀史摘要二册牛萬福著

東齋日課二册王如綸著

